

# مقدمة سلسلة تَفَكَّر ١١-١١-٣١٠٢ || الشِّيْخ اَحْمَد جَلال

أحمد جلال

السلام عليكم ورحمة الله وبركاته. اعوذ بالله السميع العليم من الشيطان الرجيم. بسم الله الرحمن الرحيم. قربوا كده. الحمد لله رب العالمين والصلة والسلام على اشرف المرسلين سيدنا محمد وعلى الله وصحبه ومن تبعهم باحسان الى يوم الدين اما بعد. آآ درس اليوم ان شاء الله هو عبارة عن - 00:00:04

مقدمة الاستثناء ان شاء الله ان احنا هنبدأ بها فيها الفترة اللي جاية ان شاء الله. آآ محتاجين جدا الفترة الجاية نهتم بالقرآن يعني الاهتمام بالقرآن شيء ممتاز جدا. ولكن انا اعني سلسلة ان انا اهتم بتدبر القرآن والتفكير في معانيه اللي هو ده - 00:00:24 الاساس اه بوصوا يا احبابي حقيقة فعلا احنا بالنسبة لنا يعني ممتازين جدا في اعمال الابدان يعني كلنا بفضل الله درسنا احكام الصلاة ودرسنا احكام الصيام. آآ اللي يجي يصوم مننا وده كعمل بدن عارف كوييس جدا ايه الاحكام المتعلقة - 00:00:44 والصيام ايه الحلال؟ ايه الحرام؟ ايه المفطرات؟ ايه اللي ينفع؟ ايه اللي ما ينفعش؟ كلنا ان شاء الله في الصلاة ممتازين جدا. عارفين ايه اللي بيتقابل في ركوع؟ ايه اللي بيتقابل في السجود؟ عارفين ايه القيام - 00:01:04

ازاي الركوع شكله ازاي؟ ولكن حقيقة احبابي احنا غايب عننا قوي ازاي القلب ده يشتغل؟ كيف يعمل هذا القلب مع ان الاصل عندنا دايما ان القلب ده لو اشتغل كل حاجة في حياتك اتزبطة. القلب ده لو تحرك كل حاجة في حياتنا بقت عالية جدا - 00:01:14 جدا ممتازة جدا جدا. ده اللي لازم احنا نأخذ بالنها منه. ده اللي لازم احنا دايما نفكري فيه. يا اخواني عالمة صلاح الانسان في الدنيا وعلامة نجاته في الآخرة ان القلب - 00:01:34

ده يشتغل صح. قال الله سبحانه يوم لا ينفع مال ولا بنون الا من اتى الله باليه؟ بقلب سليم. وقال صلى الله عليه وسلم ان في الجسد لمضفة اذا صلحت صلح الجسد كله. واذا فسدت فسد الجسد كله الا وهي القلب. احنا محتاجين فعلا الفترة القادمة نبدأ نحرك القلوب - 00:01:44

ونحركها بالاعمال الصحيحة بتاعتتها. زي ما ربنا سبحانه وتعالى جعل للعين عمل وعملها اللي هي تنظر في كتاب الله سبحانه وتعالى تنظر في الاء في السماوات وفي الارض ربنا سبحانه وتعالى جعل للسمع عمل ان الانسان يسمع به القرآن يسمع به المواعظ يسمع به دروس العلم. زي ما - 00:02:04

ربنا جعل للسان عمل يقرأ القرآن يذكر الله يذكر الناس ينصح الناس يأمر بالمعروف ينهى عن المنكر وغير ذلك. زي ما ربنا جعل العمل ان انا اتصدق به وان انا اتفق به على اهلي وعلى اخواني وعلى اصحابي واطعم الطعام واتصدق وابحث عن الارملة وعلى المسكين وعلى الفقير - 00:02:24

الله سبحانه وتعالى جعل للقلب عمل. الله سبحانه وتعالى جعل للقلب عمل. ووالله يا اخواني صدقوني حقيقة آآ التفاضل بینا عند ربنا سبحانه وتعالى بعمل القلب ده. يعني ابقي هضرب لكم مثال. كلنا الان صلينا المغرب مع بعض. صح؟ بس حقيقة - 00:02:44 اعلى الناس قدرها عند ربنا سبحانه وتعالى. في صلاة المغرب بس. يعني احنا كلنا نصلي المغرب. انا مش هقول مين احسنا عند ربنا سبحانه وتعالى؟ بيصلی قيام ليل تسعى الارامل والمساكين والفقراء وبيعمل وبيصنع. ما بتكلمش في ده. انا بتكلم دلوقتي على عمل كلنا اشتربنا فيه مع بعض. كلنا الان صلينا مع بعض صلاة - 00:03:04

بس حقيقة مين اللي شأنه بقى عند ربنا علي قوي ومين اللي طلع من الصلاة والصلاه دي عليه مش له اللي قلبه كان حاضر لان البدن كل واحد. احنا كلنا ركعنا مع بعض كلنا سجدنا مع بعض. سمعنا الایات كلنا مع بعض. بس حقيقة احبابي في واحد طلع من الصلاة -

ومنزلته عند ربنا فوق اوي وفيه واحد طلع من الصلاة ومنزلته عند ربنا تحت اوي. الفرق بين ده وبين ده ايه؟ الفرق بين الاثنين  
 حقيقة ده حضر الصلاة بقلبه وده حضر الصلاة ببدنه. ايها على عند الله؟ يقينا اللي حاضر الصلاة بقلبه - 00:03:44  
 صح؟ عشان كده بنقول احنا محتاجين نبدأ نشغل القلب. هناخد النهاردة عمل هو آآ المقدمة للسلسلة بتاعتنا. آآ عمل ربنا سبحانه وتعالى ذكره في القرآن كثير جدا جدا جدا. وامر به بصورة دائمة وربنا حذر ان العمل دا يتخل - 00:04:04  
 ده مش هعمله بايديا ولا برجليا ولا بعیني ولا وبصري. لا لأن العمل ده انا هعمله بقلبي. العمل ده هو التفكير انك تتدبر انك تتأمل انك تتذكر سواء في ايات الله المقرؤة اللي هو القرآن او في ايات الله سبحانه وتعالى - 00:04:24  
 اللي حوالينا آآ امبارح حصل موقف امبارح كان يوم عصيب جدا على الواحد بصرامة. آآ وهيبيقى عصيب على اي انسان لو عاش معه  
 بالمعنى ده. من قيمة شهر ونص شهرين ونص بالكتير قوي. في احد الشباب هنا في المنطقة - 00:04:44  
 في غرق عمرو شعلان. آآ وكانت مشكلة عمرو انه مات وغرق ولما غرق ما طلعش مرة واحدة يعني مش غرق وجسمه طلع لأن ده قعد  
 في المية فترة ولما طالع يعني ربنا يا رب ربنا يا رب يرحمه رحمة واسعة. طالع بصورة صعبة جدا يعني. فده كان عبارة عن الاية اللي  
 اصحابه بسرعة فاقوا - 00:05:04

وتفكرروا كده احنا ممكن نكون كده فتلتاتين اربعين واحد منهم جولي هنا المسجد واحنا عايزين نرجع لربنا واحنا عايزين  
 نتوب واحنا مش عارف ايه فقلت لهم اول حاجة قلتها لهم بصوا لازم تتفكر شوية. ربنا سبحانه وتعالى بعث عمرو شعلان لنا رسالة -  
 00:05:24

ممكن تكون انت الرسالة اللي بعد كده. طبعا الفجأة بتاعة وهو المضيبي اللي حصلت الكل جه بس بعد فترة بدأ كل واحد ايه يترك  
 وما عدش بيجي والكلام ده لم يسبت منهم الا خمسة. خمسة بس اللي سابتة منهم - 00:05:44  
 كان اللي دايما بيجمعهم اتنين. واحد اسمه محمود وواحد اسمه محمد. وقالوا لي احنا عايزين نحفظ قرآن بدأنا نحفظ قرآن مع بعض.  
 بدأنا ان احنا ما شاء الله يعني نجتهد - 00:06:04

شوية مع بعض في الطاعة والكلام ده. وسبحان الله! آآ جيت من الحج ما علش اتواصل معهم فكلمت والد واحد منهم اللي هو الدكتور  
 احمد شوقي وقلت له انا عايز رقم محمود علشان عايز اقابلة ونجمع الشباب تاني بعد وسبحان الله خدت الرقم واتصلت - 00:06:14  
 على زميله اللي هي تحاول تتصلك على محمود ما عرفتش اتصلت على زميله. وما عرفش برضو اوصل له. تاني يوم الصبح قلت  
 هاكلهمم الصبح. وانا باكلهمم يعني انا لسة باكلهمم - 00:06:34

يعني بتصل لقيت الشبكة مشغولة كان في واحد بيتصلك على. فوانا بفتح سماعة التليفون فيقول السلام عليكم. يا شيخ احمد يا شيخ  
 احمد خير اخ زميل اسمه محمد انت انت عارف المجموعة بتاعة عمرو شعلان؟ قلت له ايوا. قال لي انت عارف محمود؟ محمود ده  
 اللي انا باكلم والده بالليل علشان اقابلة تاني يوم. انت عارف محمود؟ قلت له اه - 00:06:44

قال لي ده مات دلوقت. مات دلوقت؟ مات ازاي؟ ده انا كنت قبله العصر. ده انا كنت هقابلة العصر. ده انا كنت برتب موعد انا اروح  
 له العصر قال لي ده مات دلوقتي جت له سكتة قلبية ومات فورا - 00:07:04

والده راح يجييه ويوديها المستشفى مات. مات في الطريق. فسبحان الله ممكن موقف يعدي على اي حد بس المواقف دي ما تعيديش  
 عليكم انت. المؤمن دايما قلبه شغال. بيتفكر موقف زي ده ما يعديش - 00:07:18  
 سبحان الله! واحنا في الجنaza في مسجد نصر قيادات المنصورة كلها في كل المجالات موجودة. القيادات الامنية موجودة. القيادات  
 الطبية موجودة حودة كل القيادات موجودة يعني مسجد ناصر كان مليان امبارح. وانا قاعد في حالة صدمة غير طبيعية. انا عمال  
 افكرة اقول يا رب - 00:07:40

طب والده بمكانته الطبية العالمية دي؟ ووالده آآ مدير مستشفى الكلى. دكتور احمد شوقي ودكتور عالمي معروف والده بمكانته  
 العلمية دي وصف الاطباء صاحب والده. ممكن الان يغنو عن محمود شيء ممكن؟ ممكن لما نروح - 00:08:00

طلعت ممکن الاستاف الطبی الرهیب ده اللي هو کلهم دکاترة عالمیین یعنی. ممکن یرجعوا له الروح تانی؟ آآ ممکن الامن الرهیب ده احنا کان آآ رئيس المباحث هناك ومش عارف مین و مین و مین. ناس کتیر جدا. ممکن الناس دی تبعث مسلا کده ایه -

00:08:20

مأموریة کده لبتوع الامن المركزي ابعتوا لنا عشرين تلاتین اربعین عربیة امن مركزي. آآ یقفوا حوالین القبر بتاعه بحیس آآ یعنی القبر لما ییجي ینضم عليه کده القبر ما ینضمش ممکن؟ طب ممکن بالمعارف والقرایب والناس اللي في الكهربا نقول لهم ابعتوا لنا کده وصلة کهربا -

00:08:40

خش جوة القبر بدل ما القبر ده فيه ظلمة ینوره لنا ممکن الواحد فعلا لما تفكر في حاجة زي کده ده مش ممکن. حقيقة والله يا اخواني ده ده مش ممکن. ساعتها في الوقت ده -

00:09:00

انا عمال اقول يا نهار ايض! ده الواحد في الدنيا دي ما یسواش اي حاجة الا اذا کان له عمل صالح. بس نقطة ومن اول السطر والله العزیم عنیا دي ما شافت النوم طول اللیل امبارح. خالص. ليه؟ دماغك شغالة. اذا کان الواحد الحمد لله لله لك -  
00:09:15  
ربنا یدیمها علينا النعمة. في ورد شویة من القيام دا زاد جدا امبارح. اذا کان الواحد هيعلم معصية قال لأ خلاص من النهاردة ما عادش انتهت واي معصية هتیجي انا هتعامل معها بعنف لأن خلاص ده انا ممکن في لحظة انتهت. خالص -  
00:09:35

يا اخواني هي دي بقی قيمة التفكير. انك تتفكر وتتأمل والله امبارح في الجنائزه انا سبحان الله اختي كانت بتعمل عملية يعني في نفس اليوم. آآ يعني قلت لها معلش دقائق اروح -

00:09:55

خد الجنائزه وارجع. صل عليه ان هو یرجع على طول. فطالع بقی بعد بعد الجنائزه کده طالع ماشي بالعربیة بلف اللي كانوا قاعدين دلوقتي قدام الجثة هنا اهو. قاعد قدام جسته. وشایفه میت وصلی عليه. طالع -

00:10:15

بعد الصلاة عادي العربیة اللي كانت جنبي. آآ طالع وهو طالع معی قام مشغل الاغانی ومولع السیجارة ولا کأن في حاجة. ده بقی الفارق ربنا يا رب ربنا یهديه ویهدینا ویصلح من احوالنا جمیعا ویقربنا منه. هو ده الفارق -  
00:10:35

بقی بين واحد یتفکر وواحد ما یفکرش. التفكير کده ده نور ربنا بیقذفه في قلبك. بیوریک الامور على حقایقها. فارق كبير جدا جدا. بين واحد یعیش مع الموقف ده ویفکر فيه امبارح. فکر فيه النهاردة -

00:10:55

هو یفکر فيه بکرة ویفکر فيه زي ما محمود فکر. ده انا اعجب حاجة انت فکرت فيها. محمود ده زات نفسه قل لي يا شیخ ده انا عملت وسویت وربنا هداني وانا -

00:11:15

بتکلم زي اللي یقولوا لي محمود من بعد ما ربنا سبحانه وتعالی قبض عمز شعلان محمود اتفیر تماما. کل حاج کان بیعملها في حياته سابها. هي دي قيمة التفكير. علشان کده ربنا لما بیختتم له کده. انه على طول کان کان ماشي مش صح -  
00:11:25  
صاحبہ مات قلبه اشتغل بدأ یفکر صح بدأ یوزن الامور صح. بقی کویس. احنا محتاجین یتفکر محتاج الانسان مننا کل يوم زي ما کان شیخ الاسلام ابن تیمیة ان یجب على کل انسان مننا یجعل لنفسه وقتا یخلو فيه بربه -  
00:11:45

فکروا فيه في حاله ویتفکر فيه في عمله ویتفکر فيه في ذکرہ ودعائه. ویتفکر في وقوفه بين يدي الله عز وجل انه یقف فکر يا اخی. فکر فکر کده انا هو انا لو کنت محمود امبارح -

00:12:05

انا دخلت مسجد النصر شباب کتیر جدا قاعدين دواير حوالین یا عینی محمود کده اللي عمال یقرأ قرآن واللي عمال یدعی واللي عمال قلت يا ترى ده هل ده يعني آآ شیء کده وقني ولا ہیدوم ورجعت بسرعة جاوبت على نفسی قلت -  
00:12:26  
اللي ہیشغل قلبه في موتني زي ده هو ده اللي ہیکمل. هو ده اللي یعیش. صح ویقابل ربنا سبحانه وتعالی صح عشان کده کان دایما سلفنا بیحثونا على مسألة التفكير. یقول لك احنا عایزینک تعیش شویة انك تتفکر وتتأمل. انك تحاول دایما -  
00:12:46

تشغل قلبك. قلبك ما یقفلش. مش عایزین القلب یقف. بصوا یا حبایبی طبیا القلب لو وقف ایه اللي یحصل اهو الانسان ھیمومت. تربویا القلب لو توقف عن التفكير برضه القلب بیمومت. علشان کده سبحان الله -

00:13:06

کان سفیان ابن عینیة یقول التفكير نور یقذفه الله في قلبك نور یقذفه الله في قلبك. النور ده لما ربنا یقذفه في قلبك بتشفوف کل

حاجة صح. بتشوف كل حاجة صح. كان آا واحد من السلف بيقول من مر على القبور - [00:13:26](#)

كلنا بنطلع من على الكوبري بتاع مدينة السلام ده وبنشوف القبور حوالينا والكلام ده. اللي بيتفكر ويقول انا ممكن في يوم من الايام اجي هنا والله لو اجمل جميالت الدنيا بقت قدامه مش هيشفوفها. لانه تفكرا لما يتحط هنا النظرة دي ممكن تعمل فيه ايه - [00:13:56](#)  
واللي عدى من على القبور دي وما تفكريش هتللاقيه سبحان الله عادي بببرطاً عادي بيص هنا ويعمل هنا عادي خالص عشان كده كان واحد من السلف بيقول من مر على القبور فلم يتفكر فقد خان نفسه. ودي اعظم خيانة انك تخون نفسك. انك - [00:14:16](#)

نفسك بايديك. كان اه كان سفيان بن عيينة بيقول والله ما من مفتاح للرحمة اعظم من التفكير هو ده حقيقة مفتاح الرحمة بتاعتنا. لو عايز رينا يرحمك تفكر. فيسألوا سفيان ايه العلاقة بين التفكير وان التفكير ده يكون مفتاح للرحمة - [00:14:37](#)

فقال رحمة الله عليه قالت الا ترى الرجل يتفكر؟ فيتوب؟ فيتوب الله عليه وهي دي الرحمة انك ترجع لربنا. مفتاح الرحمة انك تتفكر.  
اللي عايز اللي فعلنا رينا سبحانه تعلى يرحمه دنيا وآخرة. اللي اللي ينظر لموقف زي بتاع امبارح. ويشفوف شاب ما شاء الله مال معه بالهبل. مكانة اجتماعية - [00:14:55](#)

هي موجودة معارف وسلطات موجود. ويجد في لحظة ان كل ده ما بينفعش ما بينفعش للعمل. تلاقي الواحد بسرعة يتوب.  
الواحد مننا النهاردة لما انا على معصية وانا اعترف - [00:15:25](#)

ولكن لما ادخل واشوف واحد في يوم من الايام كان بيقعد معه في الاوضة بيحفظ معه قرآن ويقول لي انا عايزك تدلني على ربنا.  
وفي لحظة كده في لحظة انا برتب موعد اروح له العصر اروح ازوره العصر في بيته برضه رحت له العصر. بس مش عشان ازوره  
ومش في بيته. ده انا رحت له في بيته رينا عشان اصلی عليه - [00:15:45](#)

تبص لموقف زي ده ان ممكن تكون انت ما هو كنت انت في بعض الاوقات كان بيجي لي ويقعد يفضفض معه كنت بيقى انا  
وهو لوحدهنا في ويساء الله ان روح ده تقبض وروح ده تفضل موجودة. ساعتها انت وعلى ذنب تقول لأ خلاص. وتقولها وتعلنها -  
00:16:08

علشان الكل يسمع. خلاص من النهاردة ما عادش من النهاردة خلاص. ما فيش زنوب. فكان التفكير دايما ان عقل حد يتفكر ان قلب  
الواحد يتفكر هو ده فعلنا مفتاح رحمة من ربنا سبحانه وتعالى لنا - [00:16:29](#)

ان الانسان مننا يخشى مستشفى من المستشفيات ويرى واحد زميله في نفس دفعته كان معه بيقعد معه على بنش واحد او في وفي  
لحظة يفاجأ ان زميله ده مريض وخلاص بيموت يقف كده ويقول يا نهار ابيض - [00:16:46](#)

فاول معنى من معاني التفكير ان هو مفتاح الرحمة. احفزوا بقى نحفز مع بعض كده. اول معنى من معاني التفكير لان الكلام ده انت  
هتنقله لقرايبك ولصحابك ولزمائك في الجامعة فاحنا عايزين نحفز. عايز اغرس جواك النهاردة معاني وافكار. اول معنى في معاني  
التفكير ان التفكير ده مفتاح - [00:17:07](#)

قال ايه؟ مفتاح الرحمة لانه دايما بيذيع لايده؟ بيذيع لتوبي. بيذيع لل佗بة. المعنى الثاني ان المفتاح ده مش علشان تتوبوا بس ده  
علشان تشتفغل كمان في طاعة ربنا سبحانه وتعالى - [00:17:27](#)

زي ما قلت لكم ده امر حصل معي انا امبارح. ده موقف حصل معي امبارح. انت لو عندك ورد الورد زاد. لو عندك طاعة الطاعة زادت  
ليه؟ اصل انت شفت بعينيك وتفكر قلبك. فهنا انت انتفعت. علشان كده كان ابن عباس رضي الله عنه آا كان يقول - [00:17:42](#)  
التفكير في الخير يذيع اليه. هتتفكر في حاجة صالحة تدعوك اليها. وكان يقول وهب والله ما طالت فكري احده قط الا فهم ولا يفهم  
احده الا عمل. ولا يعمل احد الا اورث الجنة يوم القيمة - [00:18:02](#)

هي قواعد مترتبة على بعضها. ما فيش حد هيتفكر الا وتلاقيه بسرعة يفهم. هيفهم الدنيا ماشية ازاي وما فيش حد ابدا هيفهم الا  
وهي عمل هيشتغل. وما فيش حد ابدا هيشتغل ويعمل الا ويورث الجنة. ان تلكم الجنة اورثتموها - [00:18:22](#)  
فكتم بما كتم تعملون. هي كده يبقى مفتاح الجنة فكرة. مفتاح الجنة في فكرة انت بتتفكرها ما تنساش الكلام ده. فالتفكير هو مفتاح  
الرحمة. والتفكير هو مفتاح الجنة. حقيقة التفكير مفتاح للجنة - [00:18:42](#)

تاني اقول كلمة وهب يقول والله ما طالت فكرة احد ابدا الا فهم. الا فهم ما هي الدنيا عبارة عن ايه؟ واحد دخل مات وادفنه. خلصت الدنيا. النهاردة احنا قبل الدرس بدقاائق احد اخواننا - 00:19:02

طيب بيقول لي يا شيخ انا كان معى فلوس وعملت وسويس ودخلت في معاملة حرام ودخلت في معاملة حرام لقيت الفلوس بتضيع بعد ما كان عندي رصيد في البنك وعربات - 00:19:22

كل حاجة ضاعت وكل حاجة اتباعت وبقيت مديون. يا شيخ انا انا حاسس ان التعامل ده حرام. ولما قعدت افكر كده قلت ان هو ده اللي حرام فانا انا عايز اتوب ازاي؟ هو ده. هو ده. هو ده بقى مفتاح الرحمة. وهو ده مفتاح الجنة. انك تفكر - 00:19:32  
شوية. اتأمل شوية ما تعييش كده. ما تعديش الاحداس اللي بتتمر عليك كده لأقف معها. والله حتى الرؤية اللي انت بتتشوفها في منامك اقف وتفكر فيها. شف ربنا سبحانه وتعالى ماذا يريد من وراء هذه الرؤيا؟ ما هي الرؤية دي من ربنا سبحانه وتعالى. ربنا يريد ان يوصل لك رسالة معينة تفكير - 00:19:52

فيها بقى تفكير فيها تتفعل اوكي. انت عارفين ما لك بن دينار العابد. طب ازاي؟ ابن ابن آآ الذهبي كان بيقول لي ان الرجل ده ما كانش بيفوق من سكره اصلا. مدمن مخدرات. مدمن خمرة في الوقت ده. شاف بس رؤية بعد ما بنته ماتت - 00:20:12

يعني بنته ماتت ما تفكروش ولا تتأمل. ففضل على ما هو عليه. شاف رؤيا ان هو بيجربي وفي ثعبان عظيم بيجربي وراه. لحد لقمة جبل عايز ينزل من على الجبل لقى تحت الجبل نار. فسأل الناس يا جماعة هي الرؤية دي تهوي لها ايه؟ قالوا له يا مالك اما الثعبان فهو عملك - 00:20:32

والعمل ده بيدفعك دفع انك ترمي نفسك في النار. آآ تفكير في رؤية تأمل وتدبر وعاش كده رجع بقى عابد من العباد بقى رجل من الصالحين. هو ده بقى مفتاح الجنة. انك تتأمل حتى في رؤيا اللي ربنا سبحانه وتعالى بيعتها لك. تتأمل حتى في كل صغيرة وكبيرة ده - 00:20:52

كان حال النبي النبي ما كانش بيمر عليه حاجة غير لما بيقعد يفكر فيها. انت عارفين حديث النبي حديث علي رضي الله عنه آآ كان في جنازة مع النبي صلى الله عليه وسلم - 00:21:13

فلما انها الجنازة شف بقى التفكير جلس النبي صلى الله عليه وسلم وفي يده عود واخذ آآ يرسم به على الارض. النبي عمال بقى بيعلم به على الارض كده. عارفين الحديث - 00:21:23

قسم النبي خطأ وعلى الخط ده على يمينه وشماله كده خطوط ورسم حواليه مربع كده والخط ده طالع من المربع فالنبي قعد يفكر في صاحبه يقول ايه يا رسول الله؟ ايه ده؟ قال الخط ده هو امل الانسان - 00:21:33

امل امانيه بس حقيقة العمر بتاعه هو المربع ده وهو طالع برة المربع ده امانيه دي عايزه مسلا خمسمية ستمية سنة شغل وهو مش كده هييجي عليه كل الاماني دي مقطوعة كده بخط اللي هو الموت. النبي احمد يفك. السيدة عائشة بتقول رضي الله عنها كانت السماء اذا اصابها غيم. السماء لما كان - 00:21:48

الغيم كده ادوني بقى ايه مالت غيم كده والسحب اسود كده والريح حاجت النبي صلى الله عليه وسلم كان يرى ذلك في وجهه ايه المشكلة؟ ما احنا من قيمة كم يوم آآ الدنيا مرة واحدة اسودت والشمس كسفت وقبلها بيومين الدنيا اسودت ونزل مطر المنصورة كلها وقفت - 00:22:11

عدت احداس بتعدى على الناس عادي خالص. السيدة عائشة بتقول ان الكلام ده لو كان حصل قدام النبي. النبي كان يرى ذلك في وجهه مروع خايف ومرعوب صلى الله عليه وسلم ومؤمن اشرف خلق الله خايف يتربع ملعون خايف - 00:22:31

فقل له يا رسول الله انه الخير. قال يا عائشة ومن يؤمنني؟ بتقول فيرى ذلك في وجه النبي صلى الله عليه وسلم فيقوم ويقعد ويدخل ويخرج مضطرب ويقول يا عائشة ومن يؤمنني؟ وهونبي. ومن يؤمنني؟ ان اقوام عذبوا في مثل هذا - 00:22:51  
في ناس اتعزبت في حاجة زي كده. وتلى قول الله عز وجل في شأن قوم عاد فلما رأوه عارضا مستقبل او يتيم. شافوا السحاب جاي بقى استقبل الوادي من بعيد كده السحاب مغطي الدنيا كلها والهوا شديد وبيشد وبيزق الرياح كده قالوا هذا عار مطرنا. ربنا يقول

بل هو ما استعجلتم به ريح فيها عذاب اليم. تدمر كل شيء بأمر ربها. فاصبحوا لا يرى إلا مساكنهم. كذلك نجزي القوم المجرمين. النبي 00:23:31

يفتكر دي هو ده نوع آخر من انواع التفكير. زي ما هيتبين لنا التفكير في مصارع السابقين - النبي شاف الناس اللي فات دي هلكت ازاي؟ فكان الكلام ده كان دايما قدام عينيه. صلى الله عليه وسلم. فالتفكير هو مفتاح للرحمة. لانه يخليك تتوب. التفكير هو مفتاح للجنة. لأن التفكير بيخليلك تفهم. شايف الامور صح. ولما تفهم هتعمل. ولما تعامل تخش الجنة - 00:23:51

لأن مفتاح الجنة هو العمل. الجزئية الثالثة التفكير بيملئ قلبك عظمة للتفكير بيملئ قلبك خوف من ربنا سبحانه وتعالى. فيبيخليك دايما كده ماشي بتعمل لكل كلمة حساب وكل فعل حساب. ودي من اعظم يعني ما يتعلق بالتفكير. زيادة لعظمة - 00:24:11

في قلبك ولكن العظمة هنا مش معنى الكبر. العظمة هنا بمعنى تعظيمك لله سبحانه وتعالى. كان بشر الحافي يقول والله لو الناس في عظمة الله ما عصوه ابدا. اللي يتذكر في عظمة ربنا عمره ما يعاصه - 00:24:41

اللي يتذكر في عقوبة ربنا لمن عصاه يخاف يتربص يا اخواني امريكا كل تلات اربع سنين يجي لها اعصار. اعصار كاترينا. وبعد اعصار 00:25:00

قادم بس كده مش عارف اعصار ايه. وبعد كده مش عارف اعصار ايه. بكل جبروت - ما بتقدرش تعمل حاجة. وكل سنة بنشوف نفس المشهد. يقول لك احنا هنجري الناس كل اللي نقدر نعمله دلوقتي هنيجي للناس يقف قدمام بس ظاهرة بس كده جند من جنود ربنا وهو عاجز مش عارف يعمل حاجة. وبعد كده امريكا تخضع وتذل. اللي الدنيا كلها مرعوبة منها. قدام - 00:25:17

بس جندي بسيط كده من جنود الله عز وجل تخيل بقى ازا كان ده جند واحد من جنود ربنا سبحانه وتعالى. والله عز وجل مثل اعلى فما قوته سبحانه فما قوته سبحانه وتعالى؟ اذا رأى امر واحد من اوامر الله عز وجل للارض ان هي تنزلزل تجعل عالي الارض سافلها - 00:25:37

فاكرين يا اخواني اللي حصل في في اندونيسيا كان اسمه ايه؟ اعصار ايه؟ تسونامي! آزلة بسيطة كده بس في المحيط. زلزلة بسيطة كده بس. الماية قرفت مش مش هاقول لك بقى مدن في بلد ده جرفت بلاد كاملة - 00:25:57

جرفت بلاد كاملة. فمن تفكير في عظمة الله ما عصاه. اذا تفكر دايما في عظمة الله عز وجل وقدرة الله عز وجل عليه عمره ابدا ما يعصيه. النهاردة في درس العصر كنت آآ يعني كان دايما - 00:26:17

النبي بيذكر كده يا جماعة وخدوا بالكم كان دايما بيأمرهم بالتفكير في قدرة الله وعظمته الله وقدرة الطلاق عليك. انا لا شيء انا لا شيء ولا حاجة اه ابومسعود البدرى رضي الله عنه لما كان بيعاقب غلام له عبد عنده. فواخده تحت رجليه كده وبيرفع الصوت ويضربه. فقال اعلم ابا مسعود اعلم - 00:26:37

مسعود قال فمن شدة الصوت انا الكرياج اللي في ايديا وقع. فنظرت ورائي فاذا هو النبي صلى الله عليه وسلم. فقال اعلم مسعود ان الله اقدر عليك من قدرتك عليه. خد بالك فوق - 00:26:57

قلت يا رسول الله هو حر لوجه الله. قال اما والله لو لم تفعل لفتحك النار انتهت فكان بشر الحافي يقول والله لو تفكر الناس في عظمة الله ما عصوه ابدا. اللي يتذكر في عصف ربنا ما يعصهوش - 00:27:13

اللي تفكر ان ممكن ربنا سبحانه وتعالى يأخذه في عز ما هو بيعصيه عمره ابدا ما يعمل كده. عمره ابدا ما يعمل كده. ولا عمره ابدا يعصي. عشان كده كان - 00:27:31

حاتم الاصمي كان يقول بكثرة الذكر يزيد الحب. طول ما انت بتذكر ربنا كتير قلبك يحب ربنا اوي الذكر دايما مهيج للحب في القلب. بكثرة الذكر يزيد الحب. وبكثرة الفكرة وبكثرة التفكير - 00:27:41

تزداد الخشية. كل ما الانسان مننا يتذكر اكتر آآ الخوف من الله عز وجل يزداد في قلب اخت. هي علاقات زي ما قلت لكم. تذكر ربنا

00:28:01 - كتير تحبه اوي

تتفكر في في قدرة الله وفي عظمة الله كتير تخاف منه قوي. تخاف منه قوي. يبقى اذا التفكير هو مفتاح للرحمة التفكير هو مفتاح  
للجنة؟ التفكير هو مفتاح الخشية. عايز قلبك فعلا يخاف ربنا وعايز فعلا وانت في الجامعة يبقى - 00:28:14

ما تجييش تقول انا اصل انا عمال انظر هنا وانزل. لا انا خلاص انا ما فيش اصلا يعني انا مش شايف حد قدامي. تفكير كتير الامر الرابع  
آآ تفكير في في سرعة القضاء العمر - 00:28:34

عايزك دايما في سرعة انقضاء العمر عمرك بيجري بسرعة اوي اوي اسرع مما تتخيل. يعني العمر ده لما بينقضى بتخشن القبر. فتفكر  
في ده ان عمرك بيخلص بسرعة ولا بيخلص بسرعة بتخشن القبر؟ طب وانا في القبر بعمل ايه؟ كان ابن شريح يقول - 00:28:58  
آآ بعدما كان جالسا ذات يوم مع اصحابه ومرة واحدة قعد يبكي. فسألوه يا ابا شريح ما يبكيك؟ انت بتبكي ليه؟ فقال تفكرة في  
ذهب عمري وقلة عملي واقترب اجي. تلات حاجات - 00:29:32

انت فكرت في ايه يا مصطفى؟ انت فكرت في ذهب عمري. عمري بيخلص. تفكرة في ذهب عمري وقلة عملي واقترب اجي.  
تفجرت ان عمره بيخلص وعمله قليل وقربت اللي يوسف فين الثوري في يوم كان قاعد ب يحدث الناس كان قاعد يحدثهم بالليل في  
بيته. فمولع المصباح - 00:29:52

فالزيت اللي في المصباح خلص فتكون النتيجة المصباح ايه؟ هينطفي. فانطفأ المصباح قام وجاروا الزيت والكلام دون عشان يولعوا  
المصباح. على ما ولعوه وجدهو رضي الله عنه قد وضع رأسه بين يديه - 00:30:22

آآ قد خنقته العبرة من قدس ما هو بيعيط من جواه حاسس انه هيتخنق حاسس انه مخنوق فقال له يا سفيان وما يبكيك قال تذكرت  
ظلمة القبر انت كم مرة النور قطع عندك؟ - 00:30:42

كل حاجة آآ الله المستعان وكل حاجة حسيت ان هي ضلعة. ودخل في قلبك وحشة كده. كم مرة قلت اموال القبر شكله ايه امال  
القبر بقى شكله ايه؟ ظلمته عاملة ازاي؟ ده دي ظلعة الدنيا. امال ظلعة القبر شكلها عامل ايه - 00:31:08  
كم مرة حقيقة تفكرة في نعم الله. وده مفتاح جديد. انك تتفكر في نعم ربنا عليك فيكون التفكير ده مفتاح الشكر. انك تشكر ربنا  
كتير. آآ معزكم الشباب لسه ما تتزوجش - 00:31:33

فييمكن آآ هقول لكم مسالين ابدأ بالمثال يكون قريب منك شوية. ربنا يا رب يشفيكم ويعافيكم من امراض القلوب وامراض الابدان.  
اسأل الله ان يشفى مرضى المسلمين. ممكن الانسان مننا في لحظة في لحظة يسلب النعمة اللي ربنا ادى له اللي هي نعمة الصحة -  
00:31:53

في لحظة فما تنساش انك تتفكر في نعم ربنا عليك. آآ ابو سليمان الدراني كان يقول والله اني لاخرج في بيتي فلا تقع عيني على  
شيء الا ورأيت نعمة الله فيه. ابقي خارج كده اشوف واحد فقير قاعد - 00:32:13  
الشارع كده وما عهوش فلوس. وهدومه مقطعة. ابص لنفسي كده ان شاء الله ليس جميل وربنا اداني المال. اللهم لك الحمد. امشي  
شوية الاقى واحد بيذك على رجليه اعرج. فاقول ياه الحمد لله ان ربنا اداني دكتور رجل سليم. آآ تروح تزور مريض - 00:32:33  
شوفوا بيتألم من المرض تقول الحمد لله ياه على نعمة الصحة. اخونا احمد سعيد دكتور معنا في المسجد جاي في يوم بيسألني  
سؤال انا بقول القصة دي عشان تتفكر انت قد ايه ربنا من عليك. وانت قد ايه محتاج فعلا انك تتفكر في نعم ربنا عليك. بيسألني  
سؤال بيقول لي انا كنت في يوم - 00:32:53

في المستشفى جه صلاة الظهر جت صلاة الظهر فقمت اتوسيت وصليت بالناس امام. وبعد ما صليت امام لقيت واحد بيقول لي  
الدكتور احمد البالطو بتاعك مش نصيف فيبيص عليه لقيت فيه غائط. قلت له لأ دم. قال لي لأ غائط. براز. فهو دكتور. فهو يعني دم  
00:33:13

مش محتاج مش سباك. والسباك ماشي. بيبقى ده دكتور. فبقول له آآ بعد ما اديته الحكم الفقهي انا وقفت قلت له يا دكتور احمد طب  
وايه العلاقة بين ده وده؟ ايه العلاقة ان ده بييجي على البالطو بتاعك يعني؟ قال لي ما فيش جات لنا امبراح حالة متاخرة جدا جدا

ربنا يعافيكم وقنصري في الامعاء اتسدت. فالبراز عايز يخرج فمش لاقى مخرج فاخراجه من فمه. انسى بقى لو بتخش الخلاء وتطلع كم تساوي هذه النعمة احد اقاربى من زوى الرحم اصيب بهذا المرض فكانوا عاملين له فتحة هنا في الجانب كده وكان معروف بيتلبس حزام كده والحزام - 00:33:53

كان بينزل منه كيس طبى كده. الالخارج بيطلع من هنا. هو مات بس مش بالمرض. ولكن مات لانه خلاص ما عدش طايق نفسه فما بالك ان ده لما بيجي يخرج يخرج من فمه. كان بعدها بايام مات - 00:34:23

ده يخليك تقف ياه ده دخول الحمام والخروج ده بقى نعمة لا تقدر بمال والله لا تقدر بمال. انك تنظر الى المرضى كده فتقول ياه اللهم لك الحمد. تتفكر فتلاقي التفكير ده فتح لك رحمة. مفتاح رحمة فعلا - 00:34:43

كنت في يوم بدئ درس في دمياط. آآ وانا اسناء الدرس دخل اخ من اهل البلد وشايل بنت ما شاء الله لا قوة الا بالله في الجمال. ماشي ان شاء الله عشر سنوات بنت ما شاء الله بياض وشعر اصفر وعينيه ملونة حاجة جميلة رائعة. ما شاء الله لا قوة الا بالله. بس اللي يلفت نظرك - 00:35:03

ان البنت لابسة جهاز في رجلها وبوقها فيه عوجة يسيرة كده. وبقها فيها عوجة يسيرة كده. فالهمم خلصت درس بس حقيقة انا من جوايا قلبي واجعني على على البنت دي. اقول سبحان الله الجمال ده كله فعلا يعني سبحان الله - 00:35:23

بعد الدرس كنا في بيت اخ زميلنا اه كان عازمنا على العشاء وبيجمع الدعاة وبنرتب امور الدعوة في دمياط وكده. فالهمم دخل الاخ ده ومعه فطبعا انا بحب الاطفال جدا. فناديت على البنت وخدتها قمت شلتها كده وقعدت الاعبها والكلام ده. فابوها جاي كده وعينيه مغرغرة لما لقاني بيلعب مع - 00:35:43

فما يلي على فكرة يا شيخ احمد والله مريم كانت سليمة مية في المية. مريم ما كانش عندها حاجة خالص. ولكن سبحان الله يعني هي في يوم حرارتها عليت شوية آآ وما بتنزلش جمادات ومش عارف نعمل ايه والكلام ده ما فيش خالص فعلى ما انا - 00:36:03

انتهى المستشفى آآ كان مش عارف ايه الغشاء ايه اللي في المخ المسئول عن النطق واللي مسئول عن الحركة؟ آآ ضرب فما عدش عارفة تتحرك ولا بتعرف تتكلم لما ابنك بقى بيتحرك ويتنطط قدامك يمين وشمال وبيروح ويجي ويجي يتسلق فوقك كده ويلعب معك - 00:36:23

كم تساوي هذه النعمة؟ تساوي عندك ايه؟ بس اللي يتذكر بقى بس اللي يتذكر بقى فالتفكير ده مفتاح الشكر لشكرا لما تقدر تتفكر كده ياه تلاقي انت من جواك العشاء العشاء ايه ده - 00:36:43

معقول! سبحان الله! طيب! لحظة! فالتفكير ده عشان اختم بس الجزئية ده! التفكير ده مفتاح لشكرا النعم افتح لي شكر النعم كل ما الانسان يقول يتذكر اكتر تلاقي سبحان الله ربنا بيفتح قلبه على نعم عمره في حياته تخيلها. والله يا اخوانى لما تشووف واحد بيغسل كل نشوف واحد بيغسل كل ويفسّل تلت مرات في اليوم ويجي يشتكي لك كده الحقن وهي عمالة تقطع في جسمه خدت بالك؟ تقول ياه وانا في نعمة عزيمة ان انا آآ ان انا كلبت سليمة وشغالة. والله يا اخوانى كنت بشوف عم ماجد هنا - 00:37:23

بيجي عليه اوقات مش عارف يتنفس يركب جهاز كده وتلاقيه هيموت. ويجب جهاز مش عارف قد ايه ويجب بخاخة قد ايه. ويجي يقول البخاخة خلصت عايز فلوس عشان اجيّب بخاخة مش ما بيعرفش يعيش من غير بخاخة. عشان يتنفس. شف بيدفع قد ايه عشان عشان يتنفس وانت بتتنفس ازاي؟ عشان تعرف - 00:37:43

قد ايه ربنا سبحانه وتعالى اداك نعم انت مش واحد بالك منها. ان ربنا يديك نعمة زي نعمة الاسلام. ربنا يديك نعمة زي نعمة الاسلام دي اتسوى قد ايه؟ ان ربنا يديك نعمة انك قاعد هنا دلوقت. غيركم يا شباب في نفس سنكم ويأخذ بنت عمال يبص فيها ويحضن فيها هنا على الشارع على اول الشارع - 00:38:03

ربنا يتوب علينا يا رب. ربنا يتوب على عصاة المسلمين. غير اللي بيعصي ربنا هنا على قفاه. على المشاية هنا. في نفس المكان في نفس الشارع - 00:38:23

كونك انت هنا وهو هنا ده دي نعمة محتاجة لشكر. كون ان قلبك ان ان ربنا سبحانه يا جماعة فاكررين اختم بالحديث دهون؟ فاكررين حديث النبي لما كان قاعد في مجلس في حلقة وجه ثلاثة واحد منهم لقى فرحة فدخل قعد والثاني ما لقاش مكان فقعد ورا الحلقة والثالث لقى المنيز كده قام ماشي - [00:38:33](#)

النبي قام قايل اما الاول فاوى الى الله فاواه الله. واما الثاني فاستحي يا الله استحي انه يمشي فقدع في الحلقة رغم انه قاعد ورا. فاستحي يا الله منه اي اتااه الله الاجر كاملا كاملا. واما الثالث فاعرض فاعرض الله عنه ان انت تكون الاول - [00:38:53](#) وغيرك هنا قاعد يكون هو الثالث. واحد هو جه هنا ربنا جه هنا اوى الى الله فتكون النتيجة ان ربنا يؤوينه وينصره ويسمده ويعينه ويوفقه ويكرمه. والثاني اعرض ربنا يعرض عنه. دي كلها نعم محتاجة مننا ان احنا نتفكر فيها. فلو تفكرنا فيها تلاقي التفكير ده يفتح لك بالشكر - [00:39:13](#)

وده المعنى الاخير اللي حبيت اختم به درس النهاردة. ان التفكير هو مفتاح الشكر. مفتاح شكر نعم ربنا سبحانه وتعالى. ربنا يا رب ان شاء الله يوفقنا باذن الله هنبدأ بقى باذن الله الاسبوع القادم ان شاء الله هنحتاج برضو الاربع القادم. هنحتاج برضو احنا نكمل ما يتعلق بامور التفكير. ونخش على طول بقى على اه سلسلة - [00:39:33](#)

تدبر القرآن ان شاء الله السلسلة تكون كلها متعلقة بالقرآن. هنتدرس فيها ان شاء الله باذن الله الجزء الثالث يعني لسة بستخير ربنا. الجزء الثالث آآ الجزء آآ تمانية وعشرين او جزء تسعه وعشرين. هي جزء قد سمع يا جزء تبارك ان شاء الله. ده باذن الله يعني ربنا بيسر كده ونحاول كده نعيش مع القرآن الفترة القادمة. اسأل الله - [00:39:53](#)

سبحانه وتعالى ان يوفقنا واياكم لما يحب ويرضى وصلى الله على نبينا محمد وعلى الله وصحبه وسلم. سبحانه الله وبحمدك اشهد ان لا اله الا انت. استغفرلك واتوب اليك - [00:40:13](#)